

Moliyaviy hisobotni taqdim etish

62. Moliyaviy hisobot quyidagilarga taqdim etiladi:

62.1. Sub'yektning mulk egalariga (davlat mulkini boshqarishga vakolatli organlarga, ishtirokchilarga, ta'sischi'larga) — ta'sis hujjatlariga muvofiq;

62.2. Davlat soliq xizmati organlariga — sub'yekt ro'yxatga olingan joyi bo'yicha;

62.3. Davlat statistika organlariga;

62.4. Qonun hujjatlariga muvofiq — boshqa organlarga.

63. Xo'jalik yurituvchi sub'yektlar moliyaviy hisobotni hisobot yilidan keyingi 15 fevraldan kechiktirmay topshiradi.

64. Vazirliklar, idoralar, boshqa boshqaruv organlari va ayrim sub'yektlar uchun O'zbekiston Respublikasi Moliya vazirligi hisobot taqdim etishning boshqa muddatlarini belgilaydi.

65. Sub'yekt bilan bir shaharda joylashgan mahkamalarga moliyaviy hisobotni taqdim etish vaqti uni amalda tegishli joyga topshirish kuni, boshqa shahardagilar uchun esa pochta korxonasi shtempelida ko'rsatilgan sana uni jo'natish kuni hisoblanadi.

Hisobotni taqdim etish sanasi dam olish kuniga to'g'ri kelib qolgan hollarda taqdim etish muddati dam olish kunidan keyingi birinchi ish kuniga o'tkaziladi.